



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1442. usque ad annum 1460

Fleury, Claude

August. Vind. [u.a.], 1768

VD18 90118324

§. 113. Legati in Senatu publico a Papa auditи

[urn:nbn:de:hbz:466:1-66507](#)

Sæcul. XV. tor, quos comitabantur Massiliensis E-
A.C. 1459. piscopus Renati Siciliæ Regis Orator, nec-

*Collect. Con-
cil. Labb.
to. 13. p. 1403* non Britanniæ Ducis Legatus Maclovien-
sis Præsul, præter Genuensem Deputa-
tos, aliosque Optimatum quamplurimos.

His non pauci Præsulum obviam ibant
usque ad Abbatiam, quæ duabus ferme
leucis extra Mantuam sita cognomina-
batur *Diva Maria de Gratia*. Obyam
quoque illis se tulit Mantuanus Marchio
unacum liberis suis, eosque in itinere
excepit, illumque ingens civium suorum
nec non buccinatorum, ac tympanista-
rum numerus comitabatur. Marchio sa-
lutatione officiosa ultro citroque data,
primarii Legati latus stipabat; Frater
vero, ejusque liberi ceteros Oratores con-
ducebant. Sequebantur Episcopi equis
vecti, necnon & Cardinalium familiares.
Postmodum venerunt reliqui quoque Le-
gati, quibus Pontifex Aulæ suæ Mini-
stros obviam misit.

§. CXIII.

*Legati in Senatu publico a Papa
auditi.*

*Narratio
Nicol. Petit.
Collect. Con-
cil. Labb. to.
XIII. p. 1762* Exceptis in urbem Francorum Legatis
subinde ingressa est Marchionis Man-
tuani Conjux unacum Filiabus suis, quæ
Turonensis Archiepiscopi domum pete-
bant, eidemque adventum gratulabantur.
His

His peractis summus Pontifex diem con- Sæcul. XV.
stituit, quo publicum ac solemne Lega- A.C. 1459.
tis concederetur alloquium. Ast cum
eo die Papa aduersa valetudine preme-
retur, officiosa hæc salutatio usque ad vi-
gesimam primam Novembris, quæ erat
feria quarta, differebatur. Ea die Epis-
copus Parisiensis ceterorum nomine ver-
ba fecit, oratione ferme ad duas horas
protracta, qua in totidem partes divisa,
in laudes Regum Franciæ, Majorumque
suorum copiosius excurrebat, ingensque
eorum pro vera fide studium, atque im-
motam erga Apostolicam Sedem obe-
dientiam deprædicabat. Commemora-
bat quoque exantlatos in tollendo schis-
mate labores, virtutesque, quibus ipsi
gloriosum *Christianissimorum* Regum no-
men emeruerunt: Egit insuper in reli-
qua orationis suæ parte idem Parisiensis
Episcopus de regno Neapolitano, & Ge-
nuensium caufsa. His propositis finem
dicendi fecit, & nomine Caroli Regis de-
bitam summo Pontifici obedientiam ex-
hibuit, prout ab ejus Prædecessoribus
Franciæ Regibus deferri consuevit.

§. CXIV.

*Responsum Papæ ad orationem Pari-
sienſis Episcopi.*

Absoluta oratione, cum summus Ponti-
fex

Q q 2